

Script of Morning Gojri News Bulletin 24 September 2024 at 1015Hrs

ما رنینگ گو جری نیوز بلیٹن مورخہ 24 ستمبر 2024

یوہ آکا شوانی جموں بے محمد اکرم چودھری تیں خبر سنو۔

Jammu & Kashmir

جموں کشمیر مانہہ پلک ہون آلا اسمبلی انتخابات غا دوجا مرحلہ واسطے تمام طر انتظامات مکمل کر لیا گیا ہیں۔ اس مرحلہ مانہہ 5 ضلعان مانہہ پھیلپا 26 اسمبلی حلقان مانہہ پولینگ وے گی۔ ان ضلعان مانہہ جموں صوبہ غا ریا سی، راجو ری، پونچھ اور وادی کشمیر غو بڈگام تے سرینگر ضلع شامل ہیں۔ اس مرحلہ مانہہ لگ بھگ 25 لکھ 78 ہزار ووٹر 2 سو 39 امیدواران غی قسمت غو فیصلو کریں گا۔ واضح رہے جے دوجا مرحلہ مانہہ چناؤ واسطے چناوی مہم کل شام اختتام پزیر ہو گئی ہے۔

PM Modi

وزیر اعظم نریندر مو دی نے کہیو ہے جے ڈیجیٹل عوامی بنیادی ڈھانچو اک پل ہونو چاہیے نہ کہ اک رکاوٹ۔ گذشتہ رات اقوام متحدہ جنرل اسمبلی مانہہ مستقبل غا سربراہی اجلاس نال خطاب کرتاں واں پی ایم مو دی نے مزید کہیو کہ عالمی بھلائی واسطے بھارت اپنا ڈیجیٹل عوامی بنیادی ڈھانچہ نانہہ سانجھا کرن واسطے تیار ہے۔ وزیر اعظم مو دی نے کہیو ہے کہ تکنیک غا محفوظ تے ذمہ دار استعمال واسطے متوازن ضابطہ غی ضرورت ہے۔ انہاں نے مزید کہیو ہے دنیا ایسی عالمی ڈیجیٹل نظام چاؤے جس مانہہ خود مختاری اور سالمیت برقرار وے۔ جناب مو دی نے یوہ وی کہیو ہے انسانیت غی کامیابی اجتماعی طاقت مانہہ ہے نہ کہ میدان جنگ مانہہ امن اور سلامتی واسطے سنگین خطرات وں لو کہلتاں واں پی ایم مو دی نے کہیو کہ اک پاسے دہشت گردی عالمی امن اور سلامتی واسطے اک سنگین خطرو بنتی جا رہی ہے اور دوجے پاسے سائبر سمندر تے خلاء تنازعات غا نوان خطرات غا طور وں ابھرے سامنے آ رہیاں ہیں۔ ان تمام معاملات وں وزیر اعظم نے زور دیتاں واں کہیو ہے عالمی کا روائی عالمی خواہش غے نال ملتی ہونی چاہیے۔

SVEEP Jammu

گذشتہ روز جموں یونیورسٹی مانہہ سویپ مہم غے تحت رائے دہندگان غی چناؤ مانہہ شمولیت خاطر حوصلہ افزائی واسطے اک چناوی بیداری تقریب غو انعقاد کیو گیو۔ اس تقریب مانہہ ضلع چناؤ افسر سچن کمار ویشے غے ہمراہ دوجا ضلع افسران غی موجودگی دیکھی گئی۔ اس دوران ووٹراں غی بیداری واسطے اک پیغام غا طور وں اک غبارو وی آسمان مانہہ چھوڑیو گیو۔ جس غو مقصد اک اکتوبر 2024 نانہہ ووٹراں نانہہ زیا دہ توں زیا دہ ووٹ پان خاطر متوجہ کرنو تے حوصلہ افزائی کرنو تھو۔ اس تقریب غے دوران اک ثقافتی پروگرام وی پیش کیو گیو۔ جس نانہہ عوامی رابطہ تے اطلاعات غی ڈائریکٹوریٹ غی طرفوں فنکاراں نے پیش کیو۔ جس مانہہ متاثر کرن آلا گیت پیش کیا گیا۔ جن نال ووٹراں نانہہ چناؤ آلے دن شمولیت واسطے حوصلہ افزائی دینی تھی۔ اس توں بعد شام نانہہ اسے طرح غو اک بور پروگرام سویپ مہم غے تحت امر محل مانہہ وی رکھیو گیو۔ جت ضلع چناؤ افسر جموں نے یقینی دھانی کروائی ہے اس طرح غا پروگرام پورا ضلع غے اندر منعقد کیا جا ئیں گا۔ جن نال ووٹراں نانہہ مزید بیدار بنایو جا سکے گو۔

CEO

جموں کشمیر مانہہ چل رہیا اسمبلی انتخابات مانہہ شفافیت نانہہ یقینی بنان غے مد نظر اعلیٰ چناؤ افسر نے 21 سرکا ری ملازمین غے خلاف کا روائی شروع کی ہے۔ جن مانہہ اڈھاک تے کیزول لیبرر شامل ہیں۔ جن غے خلاف چناوی مہم مانہہ حصول تیں بعد کا روائی شروع کی گئی ہے۔ اچی سطح غی تحقیقی رپورٹ وں فوری کا روائی کرتاں واں 5 اڈھاک ملازمین جن مانہہ کیزول ملازمین وی شامل ہیں سمیت دوجا ملازمین نانہہ جموں کشمیر اعلیٰ چناؤ افسر نے معطل کر دتو ہے۔ واضح رہے جے ان ملازمین غے خلاف سیاسی مہم مانہہ شامل ہون غا الزام ثابت ہوا ہیں۔ لہذا ان نانہہ نوکری تیں برطرف کر دتو گیو ہے۔

DEO Rajouri

اسمبلی انتخابات 2024 خاطر چل رہی تیاریاں غا حصہ غا طور وں روضلع چناؤ افسر راجوری ابھشیک شرما نے ضلع مانہہ تیاریاں تے ضلع غے اندر بھارتی چناؤ کمیشن غی طرفوں جاری کر دہ رہنما ستور وں سختی نال عمل نانہہ یقینی بنان غے مد نظر اک مجموعی جائزہ میٹنگ غی صدارت کی۔ جس دوران حفاظت متعلق اک تفصیلی خاکہ تے حساس علاقہ مانہہ ووٹراں غی حفاظت نانہہ یقینی بنان بارے گل بات کی گئی۔ اس دوران ریٹر ننگ افسران نانہہ ہدایت کی گئی ہے چناوی عملہ نانہہ پیجن توں فوراً بعد ضلع کنٹرول روم مانہہ دورو کریں تے نال ہی الیکٹرانک ووٹینگ مشیناں غا ذمہ دار نوڈل افسران نانہہ ہدایت کی گئی ہے وے مشیناں غا خراب ہون غی صورت مانہہ ویلے سر بدلن نانہہ یقینی بناویں۔

DEO Poonch

ضلع پونچھ مانہہ دوجا مرحلہ غے تحت 25 ستمبر نانہہ کہلیا جان آلا ووٹاں غا سلسلہ مانہہ ضلع چناؤ افسر پونچھ وکاس کنڈل نے پچھلے تہاڑے اک میٹنگ غی صدارت کر غے تیاریاں غو جائزو لیو۔ میٹنگ غے دوران ریٹر ننگ افسران نے ضلع چناؤ افسر نانہہ تیاریاں تے چناوی ٹیمان نال مضبوط تے نیڑواں تال میل با رے دسیو پالیو۔ ضلع افسر نے اہلکاراں نانہہ بدائیت کی جے وے چناؤ آلے تہاڑے احسن کا روائی نانہہ یقینی بناتاں وان پولیننگ مرکزیاں غو حتمی جائزو لیں۔ اور ات ضروری سہولیات نانہہ یقینی بناویں جس مانہہ معزور افراد واسطے ریمپ، پانی سپلائی، سی سی ٹی وی وغیرہ شامل ہیں۔

اس غے نال ہی خبراں غو یوہ بلیٹن ختم ہوؤ۔

News Read by:- Mohd Akram Choudhary

News Editor:- Mohd Mustkeem Baig

DEO:- Alam Khan

Skilled:- Rajat Paul